


CHINESE JAPANESE LIBRARY
HARVARD-YENCHING INSTITUTE
AT HARVARD UNIVERSITY

SEP 28 1956

3

T 5237.03 / 4221

V. 16





第三卷

詠懷

阮嗣宗詠懷十七首

謝惠連秋懷

歐陽堅石臨終詩

哀傷

嵇叔夜幽憤詩

曹子建七哀詩



王仲宣七哀詩二首

張孟陽七哀詩二首

潘安仁悼亡詩三首

謝靈運廬陵王墓下作

顏延年拜陵廟作

謝玄暉同謝諮議銅雀臺

任彦升出郡傳舍哭范僕射

贈答一

王仲宣贈蔡子篤

贈孫文始

贈士孫文始

劉公幹贈五官中郎將四首

贈徐幹

贈從弟三首

曹子建贈徐幹

贈丁儀

贈王祭

又贈丁儀王祭

贈白馬王彪

贈丁翼

嵇叔夜贈秀才入軍五首

司馬紹統贈山濤

何敬祖贈張華

張茂先答何遜二首

陸士衡贈馮文憲遷斥丘令

答賈謐

并序

於承明作與士龍

贈尚書郎顧彥先二首

贈交阯太守顧公真

贈從兄車騎

答張士然

爲顧彥先贈婦二首

贈馮文罷

又贈弟士龍

潘安仁為賈謐作贈陸機

潘正叔贈陸機出為吳王郎中令

贈河陽詩

贈侍御史王元貺

選詩卷三

詠懷

詠懷詩十七首

嚴羽曰黃初之後惟阮籍詠懷之作極為高古有建安風骨

阮籍

王世貞曰阮公詠懷遠近之間遇境即際此窮即止坐不著論宗佳耳人乃謂陳子昂勝之何必子昂宋人寧無感興乎哉王世懋曰阮公詠懷詩亦自深于寄托

夜中不能寐。起坐彈鳴琴。薄帷鑒明月。清風吹

善作別

我衿。孤鴻號外野。翔鳥鳴北林。徘徊將何見。憂

思獨傷心。

鍾惺曰予嘗謂陳子昂張九齡感遇詩格韻興味有遠出詠懷上者此語不可告千古憤人請即質之阮公

劉良曰觀其體趣寔謂幽深非夫作者不能探測之
李善曰嗣宗雖在亂朝常恐羅謗過禍因茲茲詠故每有憂生之嗟雖志在刺譏而文多隱避百代之下難以情測
選詩卷三

上薄風雅達人之旨逸民之心也
諸詩非作于一時各因情景物態耳舊註太泥夏時托喻

二妃遊江濱。逍遙順風翔。交甫懷環珮。婉孌有芬芳。猗靡情歡愛。千載不相忘。傾城迷下蔡。容施其雨怨朝陽。如何金石交。一旦更離傷。嘉樹下成蹊。東園桃與李。秋風吹飛藿。零落從此始。繁華有憔悴。堂上生荆杞。驅馬舍之去。去上西山趾。一身不自保。何況戀妻子。凝霜被野草。歲暮亦云已。

道義交不如私昵感深之言也

昔日繁華子。安陵與龍陽。天天桃李花。灼灼有輝光。悅澤若九春。磬折似秋霜。流盼發姿媚。言咲吐芬芳。携手等歡愛。宿昔同衣裳。願爲雙飛鳥。比翼共翱翔。丹青著明誓。永世不相忘。天馬出西北。由來從東道。春秋非有託。富貴焉常保。清霜被臯蘭。凝霜霑野草。朝爲美少年。夕暮成醜老。自非王子晉。誰能常美好。

善作媚

登高臨四野。北望青山阿。松柏翳岡岑。飛鳥鳴

楊慎曰趙李顏延年以為趙飛燕李夫人劉會孟謂安知非寔有此人不必深求其誰何也不詳詩意咸陽趙李謂游俠近幸之傳漢書谷永

傳小臣趙李從微賤尊寵成帝常與微行者籍用趙李正出以若如顏說趙飛燕李夫人豈可言徑過如劉言當時寔有此人唐王維詩日夜經過趙李家豈唐時亦寔有以人手乃知讀書不詳考深思難延年之博學會孟之精鑒亦不魚失之況下以者耶

相過感慨懷心酸。怨毒常苦多。李公悲東門。蘇子狹三河。求仁自得仁。豈復嘆咨嗟。

開秋兆涼氣。蟋蟀鳴牀帷。感物懷殷憂。悄悄令心悲。多言焉所告。繁辭將訴誰。微風吹羅袂。明月耀清輝。晨鷄鳴高樹。命駕起旋歸。

平生少年時。輕薄好弦歌。西遊咸陽中。趙李相

經過娛樂未終極。白日忽蹉跎。驅馬復來歸。反

顧望三河黃金百鎰盡。資用常苦多。北臨太行

道。失路將如何。

昔聞東陵瓜。近在青門外。連畛距阡陌。子母相

鉤帶。五色曜朝日。佳賓四面會。膏火自煎熬。多

財為患害。布衣可終身。寵祿豈足賴。

步出上東門。北望首陽岑。下有采薇士。上有嘉

樹林。良辰在何許。凝霜霑衣襟。寒風振山岡。玄

雲起重陰。鳴鴈飛南征。鶡鴒發哀音。素質由商

聲。悽愴傷我心。

選詩

范曄文曰可謂
混貴賤之殊齊
死生之變

昔年十四五志尚好書詩五字作詩書被褐懷珠玉顏閔相

與期開軒臨四野登高有所思善作望丘墓蔽山岡萬

代同一時千秋萬歲後五字作百榮名安所之乃悟羨門善作悵

子噉噉今自嗤善作出

徘徊蓬池上還顧望大梁綠水揚洪波曠野莽

茫茫走獸交橫馳飛鳥相隨翔五字作日是時鶉火中日

月正相望朔風厲嚴寒陰氣下微霜羈旅無疇

匹俛仰懷哀傷小人計其功君子道其常豈惜

終憔悴詠言著斯章

炎暑唯茲夏三旬將欲移芳樹垂綠葉清雲自

逶迤四時更代謝日月遞差馳徘徊空堂上切

怛莫我知願覩卒歡好不見悲別離

灼灼西頽日餘光照我衣迴風吹四壁寒鳥相

因依周周尚銜羽蛩蛩亦念饑如何當路子磬

折忘所歸豈為夸譽名憔悴使心悲寧與燕雀

翔不隨黃鵠飛黃鵠游四海中路將安歸

鍾惺曰忘所歸
粘蔡折二字妙
又曰安卑之語
其寔不平
魏慶之曰一篇
押二歸字

獨坐空堂上。誰可與歡者。五臣作出門臨永路。不見行
車馬。登高望九州。悠悠分曠野。孤鳥西北飛。離
獸東南下。日暮思親友。晤言用自寫。

北里多奇舞。濮上有微音。輕薄閑遊子。俯仰乍

浮沈。捷徑從狹路。僂俛趣荒淫。焉見王子喬。乘

雲翔鄧林。獨有延年術。五臣作可以慰我心。

湛湛長江水。上有楓樹林。皐蘭被徑路。青驪逝

駸駸。遠望令人悲。春氣感我心。三楚多秀士。朝

雲進荒淫。朱華振芬芳。高蔡相追尋。一為黃雀
哀。滂下誰能禁。

秋懷詩

謝惠連

平生無志意。少小嬰憂患。如何乘苦心。矧復值
秋晏。皎皎天月明。奕奕河宿爛。蕭瑟含風蟬。寥
唳度雲鴈。寒商動清閨。孤燈暖幽幔。耿介繁慮
積。展轉長宵半。夷險難預謀。善作豫倚伏昧前筭。雖好

何良俊曰所謂
芙蓉出水不但
康樂為然如惠
連秋懷玄暉澄
江淨如練等句
皆有天然妙麗
處
銳思
鍾惺曰吞吐不
盡

又曰妙于看古
人妙于自裁
又曰高識正是
吾學古人處

相如達。不同長卿慢。頗悅鄭生偃。無取白衣宦。
未知古人心。且從性所翫。賓至可命觴。朋來當
染翰。高臺驟登踐。清淺時陵亂。顏魄不再圓。傾
羲無兩旦。金石終消毀。丹青斲彫煥。各勉玄髮
歡。無貽白首歎。因歌遂成賦。聊用布親串。

臨終詩

歐陽建

伯陽適西戎。善作子欲居九變孔子欲居蠻。苟懷四方志。所在可

機事不察詩
何為

游盤况乃遭屯蹇。顛沛遇災患。古人達機兆。策
馬游近關。咨余冲且暗。抱責守微官。潛圖密已
構。成此禍福端。恢恢六合間。四海一何寬。天網
布絃網。投足不獲安。松柏隆冬瘁。然後知歲寒。
不涉太行險。誰知斯路難。真偽因事顯。人情難
豫觀。窮達有定分。慷慨復何歎。上負慈母恩。痛
酷摧心肝。五臣作嬌下顧所憐女。五臣作嬌側側心中酸。五臣作弄二子棄若
遺。遺念皆遺其念皆遺凶殘。不惜一身死。惟此如循環。執紙

五情塞。揮筆涕洟瀾。

幽憤詩

嵇康

善作枯

鍾惺曰自然自艾自供自悔知其所以殺身之道而性不可化付之無系高士每有以病槌之千言萬語不外才多識寡四字又曰句句自責却句句占地步譚元春曰似白狀似年譜歷叙得妙字是嵇叔夜幽憤詩摹倣移動不得

嗟余薄祜。少遭不造。哀焚靡識。越在繼緜。母兄鞠育。有慈無威。恃愛肆姐。不訓不師。爰及冠帶。馮寵自放。抗心希古。任其所尚。託好老莊。賤物貴身。志在守樸。養素全真。曰余不敏。好善聞人。于玉之敗。屢增惟塵。大人含弘。藏垢懷耻。民之

鍾惺曰後世高人行徑古人引為罪過非惟自處之嚴抑亦觀理之深

又曰不及阮公處自家道破

近愧孫登情思可知
葉夢得曰性不傷物四句志鍾會之悔也吾嘗讀世說知康乃魏宗室婿審如此雖不忤鍾會寧能免死
李善曰免或為冤非也

多僻。政不由己。惟此褊心。顯明臧否。感悟思愆。怛若創痛。欲寡其過。謗議沸騰。性不傷物。頻致怨憎。昔慙柳惠。今愧孫登。內負宿心。外慝良朋。仰慕嚴鄭。樂道閑居。與世無營。神氣晏如。咨予不淑。嬰累多虞。匪降自天。寔由頑踈。理蔽患結。卒致囹圄。對答鄙訊。繫此幽阻。實耻訟冤。時不我與。雖曰義直。神辱志沮。澡身滄浪。豈云能補。嗚嗚鳴鴈。奮翼北游。順時而動。得意忘憂。嗟我

選詩

卷二

七

鍾惺曰此下有
東門黃犬華亭
鶴唳之意

憤歎曾莫能儔事與願違。邁茲淹留窮達有命。
亦又何求。古人有言善莫近名。奉時恭默。咎悔
不生。萬石周慎。安親保榮。世務紛紜。祇攪予情。
安樂必誠。乃終利貞。煌煌靈芝。一年三秀。予獨
何為。有志不就。懲難思復。心焉內疚。庶勗將來。
無馨無臭。采薇山阿。散髮巖岫。永嘯長吟。願性
養壽。

七哀詩

曹植

釋皎然曰明月二句與宣城公金波麗鳩鵲玉繩低建章江文通露練
方汎灑月華如徘徊其葉艷如百華芙蓉菡萏照水

明月照高樓。流光正徘徊。上有愁思婦。悲歎有
餘哀。借問歎者誰。言是宕子妻。君行踰十年。孤
妾常獨棲。君若清路塵。妾若濁水泥。浮沈各異
勢。會合何時諧。願為西南風。長逝入君懷。君懷
良不開。賤妾當何依。

皇甫汸曰此詩云願為西南風長逝入君懷亦
將心寄明月流影入君懷以月代風善詩人
之意

七哀詩二首

一 祭

楊慎曰劉文房詩已是洞庭人猶看灞陵月孟東野詩長安日下影
又落江湖中語意相似皆寓感闕之意然慙不若王仲宣云南登灞
陵听迴首望長安含蓄蘊藉自然不可及也

雖然有黍離之
風
釋皎然曰出門起
至曉以言事在耳
目故傷見乎辭及
至商登之向察思
則已極覽詞則不
傷一篇之功并在
于以使古今作者
味之無厭未向因
南登灞陵所悟彼
下泉人蓋以逝者
不返吾將何觀故
有傷肝之嘆沈約
云不勞經史直率
胸臆吾許其知詩
者也

西京亂無象。豺虎方遘患。復棄中國去。遠身適
荆蠻。親戚對我悲。朋友相追攀。出門無所見。白
骨蔽中原。路有饑婦人。抱子棄草間。顧聞號泣
聲。揮涕獨不還。未知身死處。何能兩相完。驅馬
棄之去。不忍聽此言。南登霸陵岸。迴首望長安。
悟彼下泉人。喟然傷心肝。

荆蠻非我鄉。何爲久滯淫。方舟溯大江。日暮愁
我心。山岡有餘暎。巖阿增重陰。狐狸馳赴穴。飛

鳥翔故林。流波激清響。猿猴臨岸吟。迅風拂裳
袂。白露霑衣襟。獨夜不能寐。攝衣起撫琴。絲桐
感人情。爲我發悲音。羈旅無終極。憂思壯難任。

七哀二首

張載

北邙善作何壘壘。高陵有四五。借問誰家墳。皆云漢

世主。恭文遙相望。原陵鬱_{五臣作華}膺膺。季世喪亂起。賊

盜如豺虎。毀壞過一杯。便方啟幽戶。珠神離玉

葛立方曰子建
之七哀在于獨
棲之思婦仲宣
之七哀在于棄
子之婦人孟陽
之七哀在于已
毀之園寢

體珍寶見剽虜。園寢化爲墟。周墉無遺堵。蒙龍
荆棘生。蹊徑登童豎。狐兔窟其中。蕪穢不復掃。
頽隴並墾發。萌隸營農圃。昔爲萬乘君。今爲丘
山土。感彼雍門言。悽愴哀往古。
秋風吐商氣。蕭瑟掃前林。五臣作鳥陽鳥收和響。寒蟬無
餘音。白露中夜結。木落柯條森。先光馳北陸。浮
景忽西沈。顧望無所見。唯覩松柏陰。肅肅高桐
枝。翩翩棲孤禽。仰聽離鴻鳴。俯聞蜻蛚吟。哀人

易感傷。鴈物增悲心。丘隴日已遠。纏綿思彌深。善作彌思
憂來令髮白。誰云愁可任。徘徊向長風。淚下霑
衣襟。

悼亡詩三首

潘岳

在苒冬春謝。寒暑忽流易。之子歸窮泉。重壤永
幽隔。私懷誰克從。淹留亦何益。僂俛恭朝命。迴
心返初役。望廬思其人。入室想所歷。幃屏無髣

清響淒切。正思
墮涕前後二首
更甚
鍾惺曰。潘陸之
病在情。爲辭沒
而不能自出。此
作情。居其勝。而
辭不能沒。所以
佳。

又曰。真情苦境
不真不苦不苦
不細

又曰其妻志韻

甚

譚元春曰如彼
四語不佳去之
反悼得深
二景難堪

鍾惺曰庶幾者
情至不能自主
之詞

髣髴翰墨有餘跡。流芳未及歇。遺挂猶在壁。悵况

如或存。周遑忡驚惕。如彼翰林鳥。雙棲一朝隻。

如彼遊川魚。比目中路析。春風緣隙來。晨雷承

簷滴。寢思何時忘。沈憂日盈積。庶幾有時衰。莊

缶猶可擊。

皎皎窻中月。照我室南端。清商應秋至。溽暑隨

節闌。凜凜涼風升。始覺夏衾單。豈云無重纊。誰

與同歲寒。歲寒無與同。朗月何朧朧。展轉眄枕

席長簟。竟牀空。牀空委清塵。室虛來悲風。獨無

李氏靈。髣髴覩爾容。撫衿長歎息。不覺涕霑胸。

霑胸安能已。悲懷從中起。寢興目存形。遺音猶

在耳。上慙東門吳。下愧蒙莊子。賦詩欲言志。此

志難具紀。命也可奈何。長戚自令鄙。

曜靈運天機。四節代遷逝。凄凄朝露凝。烈烈夕

風厲。柰何悼淑儷。儀容永潛翳。念此如昨日。誰

知已卒歲。改服從朝政。衷心寄私制。茵幃張故

令人欲淚

房朔望臨爾祭。爾祭詎幾時。朔望忽復盡。衾裳一毀撤。千載不復引。壘壘暮月周。戚戚彌相愍。五言作想悲懷感物來。泣涕應情隕。駕言陟東阜。望墳思紆軫。徘徊墟墓間。欲去復不忍。徘徊不忍去。徒倚步踟躕。落葉委埏側。枯芟帶墳隅。孤魂獨笑笑。安知靈與無。投心遵朝命。揮涕強就車。誰謂帝宮遠。路極悲有餘。

廬陵王墓下作

謝靈運

既以廬陵之故
被黜至闕復以
以對可見古人
交情

曉月發雲陽。落日次朱方。含悽泛廣川。灑淚眺連岡。眷言懷君子。沈痛結中腸。道消結憤懣。運善什出

五言作切

開申悲涼。神期恒若存。德音初不忘。徂謝易永久。松栢森已行。延州協心許。楚老惜蘭芳。解劍竟何及。撫墳徒自傷。平生疑若人。通蔽互相妨。理感深情慟。定非識所將。脆促良可哀。天枉特兼常。一隨往化滅。安用空名揚。舉聲泣已灑。長

歎不成章。

拜陵廟作

顏延之

周德恭明祀。漢道尊光靈。哀敬隆祖廟。崇樹嘉
園塋。逮事休命始。投足階王庭。陪厠迴天顧。朝
讌流聖情。早服身義重。晚達生戒輕。否來王澤
竭。泰往人悔形。勅躬慙積素。復與昌運并。恩合
非漸漬。榮會在逢迎。風御嚴清制。朝駕守禁城。

束紳入西寢。伏軾出東垆。衣冠終冥漠。陵邑轉

蔥青。松風遵路急。山烟冒壠生。皇心馮容物。民

思被歌聲。萬紀載絃吹。千歲託旒旌。未殊帝世

遠。已同淪化萌。幼壯困孤介。未暮謝幽貞。發軌

喪夷易。歸軫慎崎嶇。

同謝諮議銅爵臺詩

謝朓

總帷飄井幹。樽酒若平生。鬱鬱西陵樹。詎聞歌

長于詠興致清
鐘惺曰樽酒句

十九首中妙語
又曰婉約稱情
又曰要知是深
情語不是敗興
語

愀愴
嚴羽云凡兩用
生字韻三用情
字韻兩生猶是
兩兼三情字皆
同一意
王世懋曰詩病
有重韻者此詩
三層情字

鍾惺曰弗觀朱
顏改不惟存沒
之感并聚散之
感在妙從中下
三句之妙從中
生
范疇文曰白樂
天名用之曰當
君白首同歸日
是豈青山獨往
時

吹聲芳襟染淚迹。嬋媛空復情。玉座猶寂寞。况乃妾身輕。

出郡傳舍哭范僕射

任昉

平生禮數絕。式瞻在國楨。一朝萬化盡。猶我故人。人情待時屬。興運王佐俟。民英結歡三十載。生死一交情。携手道哀孽。接景事休明。運阻衡言革。時泰玉階平。濬冲得茂彥。夫子值狂生。伊人

五臣魚以二句

有涇渭。非余揚濁清。將乖不忍別。欲以遣離情。不忍一辰意。千齡萬恨生。

已矣平生事。詠歌盈篋笥。兼復相嘲謔。常與虛舟值。何時見范侯。還叙平生意。

與子別幾辰。經塗不盈旬。弗覩朱顏改。徒想平生人。寧知安歌日。非君撤瑟晨。已矣余何歎。輟

春哀國均

鍾惺曰情辭究至幾與生平年少日一首同妙然覺沈詩是全副做

贈答

選詩

卷三

十四

贈蔡子篤詩

王粲

翼翼飛鸞。載飛載東。我友云徂。言戾舊邦。舫舟
 翩翩。以泝大江。蔚矣荒塗。時行靡通。慨我懷慕。
 君子所同。悠悠世路。亂離多阻。濟岱江行。邈焉
 異處。風流雲散。一別如雨。人生實難。願其弗與。
 瞻望遐路。允企伊佇。烈烈冬日。肅肅淒風。潛鱗
 在淵。歸鴈載軒。苟非鴻鵬。焉能飛飜。雖則追慕。
五臣作進

予思罔宣。瞻望東路。慘愴增歎。率彼江流。爰逝
 靡期。君子信誓。不遷於時。及子同寮。生死固之。
 何以贈行。言授斯詩。中心孔悼。涕淚漣洏。嗟爾
 君子。如何勿思。

贈士孫文始

王粲

天降喪亂。靡國不夷。我暨我友。自彼京師。宗守
 邊失。越用遁違。善作有遷于荆楚。在漳之湄。在漳之湄。

四言詩三百篇
 而下都不免斧
 痕

亦克宴處。和通篋塤。比德車輔。旣度禮義。卒獲
笑語。庶茲永日。無讐厥緒。雖曰無讐。時不我已。
同心離事。乃有逝止。橫此大江。淹彼南汜。我思
弗及。載坐載起。惟彼南汜。君子居之。悠悠我心。
薄言慕之。人亦有言。靡詰不思。矧伊嫵婉。胡不
悽而晨風夕逝。託與之期。瞻仰王室。慨其永歎。
良人在外。誰佐天官。四國方阻。俾爾歸藩。爾之
歸藩。作式下國。無曰蠻裔。不虔汝德。慎爾所五臣作主。

率由嘉則。龍雖勿用。志亦靡忒。悠悠澹澹。鬱彼
唐林。雖則同域。邈其迥深。白駒遠志。古人所箴。
允矣君子。不遐厥心。旣往旣來。無密爾音。

贈文叔良

王粲

翩翩者鴻。率彼江濱。君子于征。爰聘西隣。臨此
洪渚。伊思梁岷。爾行孔邈。如何勿勤。君子敬始。
慎爾所主。謀言必賢。錯說申輔。延陵有作。喬盱。
五臣作

楊慎曰探情以
華本于史記律
書精核其華道
者明矣注華者
貌也然史記之
語觀仲宣之詩
而益明仲宣之
詩得李善之解
而始白觀詩所
以貴乎博證也

是與先民遺跡來世之矩既慎爾主亦迪知幾
探情以華觀著知微視明聽聰靡事不惟董褐
荷名胡寧不師衆不可蓋無尚我言梧宮致辯
齊楚構患成功有要在衆思歡人之多忌掩之
實難瞻彼黑水滔滔其流江漢有卷允來厥休
二邦若否職汝之由緬彼行人先克弗留尚哉
君子異于他仇人誰不勤無厚我憂惟詩作贈
敢詠在舟

贈五官中郎將四首

劉楨

昔我從元后。整駕至南鄉。過彼豐沛都。與君共

翱翔。四節相推斥。季冬風且涼。衆賓會廣座。明

鐙熺炎光。清歌製妙聲。萬舞在中堂。金罍含甘

醴。羽觴行無方。長夜忘歸來。聊且爲太康。四牡

向路馳。歡悅誠未央。

余嬰沈痼疾。竄身清漳濱。自是涉玄冬。彌曠才

詩品謂氣過其
文雅潤似少觀
以信然
嚴羽曰此元后
與王仲宣從軍
二聖君皆指曹
操豐沛郡喻操
譙即仲宣又曰
竊慕負異折翁願
屬朽鈍姿是欲
效伊尹負鼎干
湯以伐夏也是
時漢帝尚在而
二子之言如此
一曰元后一曰
聖君正與荀彧
比曹操為高光
同科春秋誅心

餘句常恐游岱宗。不復見故人。所親一何篤。步
趾慰我身。清談同日久。情眇叙憂勤。便復為別
辭。游車歸西隣。素葉隨風起。廣路揚埃塵。逝者
如流水。哀此遂離分。追問何時會。要我以陽春。
望慕結不解。貽爾新詩文。勉哉修令德。北面自
寵珍。

秋日多悲懷。感慨以長歎。終夜不遑寐。叙意於
濡翰。明燈曜閨中。清風淒已寒。白露塗前庭。應

五子行燈

門重其關。四節相推斥。歲月忽欲殫。壯士遠出
征。戎事將獨難。涕泣灑衣裳。能不懷所歡。

五子作霜

涼風吹沙礫。霜風何皚皚。明月照緹幕。華燈散
炎輝。賦詩連篇章。極夜不知歸。君侯多壯思。文
雅縱橫飛。小臣信頑魯。善作處俛安能追。

贈徐幹

劉楨

誰謂相去遠。隔此西掖垣。拘限清切禁。中情無

范晞文曰張平
子詩云承聞其
聲載坐載起王
仲宣云豕思弗
及載坐載起劉
公幹云思子沈
心而四句懷人
之意盡于此矣

由宣思子沈心曲。長歎不能言。起坐失次第。一
日三四遷步出北寺門。遙望西苑園。細柳夾道
生。方塘含清源。輕葉隨風轉。飛鳥何翻翻。乖人
易感動。涕下與衿連。五臣作淚仰視白日光。皦皦高且懸。
兼燭八紘內。物類無頗偏。我獨抱深感。不得與
此焉。

贈從弟三首

劉楨

汎汎東流水。磷磷水中石。蘋藻生其涯。華葉紛
擾溺。采之薦宗廟。可以羞嘉客。豈無園中葵。懿
此出深澤。

亭亭山上松。瑟瑟谷中風。風聲一何盛。松枝一
何勁。冰霜正慘悽。終歲常端正。豈不羅凝寒。松
栢有本性。

鳳凰集南嶽。徘徊孤竹根。於心有不厭。奮翅凌
紫氛。豈不常勤苦。羞與黃雀羣。何時當來儀。將

未語佳
葛立方曰建安
七子惟劉公幹
獨為諸王子所
親曹操威煽蓋
世甄夫人出拜
諸人皆伏而公
幹獨平視雜論
作而不悔亦可
嘉矣公幹贈從
弟詩云亭上松
上松等語其寄
意如是豈肯少
屈于操哉末篇
又托興鳳凰有
何時當來儀將
須聖明君則不
以聖明待操矣

須聖明君。

贈徐幹

曹植

驚風飄白日。忽然歸西山。圓景光未滿。衆星粲以繁。志士營世業。小人亦不閑。聊且夜行游。游彼雙闕間。文昌鬱雲起。迎風高中天。春鳩鳴飛棟。流焱激櫺軒。顧念蓬室士。貧賤誠足憐。薇藿弗充虛。皮褐猶不全。慷慨有悲心。興文自成篇。

寶乘怨何人和氏有其愆。彈冠俟知己。知己誰

不然。良田無晚歲。膏澤多豐年。亮懷璵璠美。積

久德逾宣。親交義在敦。申章復何言。

贈丁儀

曹植

初秋涼氣發。庭樹微銷落。凝霜依玉除。清風飄飛閣。朝雲不歸山。霖雨成川澤。黍稷委疇隴。農夫安所獲。在貴多忘賤。爲恩誰能博。狐白足禦

冬。焉念無衣客。思慕延陵子。寶劍非所惜。子其
寧爾心。親交意不薄。

贈王粲

曹植

端坐苦愁思。攬衣起西游。善作境樹木發春華。清池激
長流。中有孤鴛鴦。哀鳴求匹儔。我願執此鳥。惜
哉無輕舟。欲歸忘故道。顧望但懷愁。悲風鳴我
側。羲和逝不留。重陰潤萬物。何懼澤不周。誰令

末句與重陰之
語貴倫

君多念。自使懷百憂。

贈丁儀王粲

曹植

從軍度函谷。驅馬過西京。山岑高無極。涇渭揚
濁清。壯哉帝王居。佳麗殊百城。員闕出浮雲。承
露槩太清。皇佐揚天惠。四海無交兵。權家雖愛
勝。全國爲令名。君子在末位。不能歌德聲。丁生
怨在朝。王子歡自營。歡怨非貞則。中和誠可經。

皇佐二字立言
有法一時詞人
皆不及

子達才名所遭
危疑故抑鬱
語聊然無一怨
今人處順境而
動則罵坐何也

王世貞曰子達
謁帝承明廬明
月照高樓子桓
西北有浮雲秋
風聽蕭瑟非菊
中諸子可及仲
宣公幹遠在下
風吾每至謁帝
一章便數十過
不可了悲婉宏
壯情事理境愈
所不有
又曰賦詩全法
大雅文王之什
體以故首二章
不相承耳後人
不知有欲合而

為一者良可笑也

子達五言古鍾
嶠品其入室信
然

鍾惺曰漢樂府
妙語

贈白馬王處七首

曹植

謁帝承明廬。逝將歸舊疆。清晨發皇邑。日夕過
首陽。伊洛廣且深。欲濟川無梁。汎舟越洪濤。怨
彼東路長。顧瞻戀城闕。引領情內傷。
大谷何寥廓。山樹鬱蒼蒼。霖雨泥我塗。流潦浩
縱橫。中逵絕無軌。改轍登高岡。修坂造雲日。我
馬玄以黃。

善作太

善作土

五臣作何念

玄黃猶能進。我思鬱以紆。鬱紆將難進。親愛在
離居。本圖相與偕。中更不克俱。鴟梟鳴衡梔。豺
狼當路衢。蒼蠅間白黑。讒巧令親疎。欲還絕無
蹊。攬轡止踟蹰。
踟蹰亦何留。相思無終極。秋風發微涼。寒蟬鳴
我側。原野何蕭條。白日忽西匿。歸鳥赴喬林。翩
翩厲羽翼。孤獸走索羣。銜草不遑食。感物傷我
懷。撫心長太息。

善作可

鍾惺曰無可奈何強作壯語

若自解而愈不自禁清真調苦

太息將何爲。天命與我違。奈何念同生。一往形
不歸。孤魂翔故域。靈柩寄京師。存者忽復過。亡
沒身自衰。人生處一世。去若朝露晞。年在桑榆
間。影響不能追。自顧非金石。咄嗟令心悲。
心悲動我神。棄置莫復陳。丈夫志四海。萬里猶
比隣。恩愛苟不虧。在遠分日親。何必同衾幃。然
後展殷勤。憂思成疾疢。無乃兒女仁。倉卒骨肉
情。能不懷苦辛。

鍾惺曰五字悲

苦辛何慮思。天命信可疑。虛無求列仙。松子久
吾欺。變故在須臾。百年誰能持。離別永無會。執
手將何時。王其愛玉體。俱享黃髮期。收淚卽長
路。援筆從此辭。

贈丁翼

曹植

嘉賓填城闕。豐膳出中厨。吾與二三子。曲宴此
城隅。秦箏發西氣。齊瑟揚東謳。肴來不虛歸。觴

至反無餘。我豈狎異人。朋友與我俱。大國多良材。譬海出明珠。君子義休侍。小人德無儲。積善有餘慶。榮枯立可須。滔蕩固大節。時俗多所拘。君子通大道。無願爲世儒。

贈秀才入軍五首

嵇康

良馬既閑。麗服有暉。左攬繁弱。右接忘歸。風馳五臣作雷電逝。躡景追飛。凌厲中原。顧盼生姿。攜我好仇。

載我輕車。南凌長阜。北厲清渠。仰落驚鴻。俯引淵魚。盤于游田。其樂只且。

輕車迅邁。息彼長林。春木載榮。布葉垂陰。習習谷風。吹我素琴。皎皎黃鳥。顧疇弄音。感悟馳情。思我所欽。心之憂矣。永嘯長吟。

浩浩洪流。帶我邦畿。萋萋綠林。奮榮揚暉。魚龍

灑澗。山鳥羣飛。駕言出遊。日夕忘歸。思我良朋

如渴如饑。願言不獲。愴矣其悲。

葛立方曰贈秀才入軍李善謂兄喜秀才而張詠謂射夜事不知其名致五詩或曰攜我好仇或曰思我良朋或曰佳人不在皆非兄弟之稱善詠所註恐未必然

楊慎曰司送歸
鴻二語與曹孟
德月明星稀直
後世四言耳工
則工矣比之三
百篇猶隔尋文
也
范晞父曰目送
四句運思寫心
變不同

息徒蘭圃。秣馬華山。流磻平臯。垂綸長川。目送
歸鴻。手揮五絃。俯仰自得。游心太玄。善作春嘉彼釣叟。
得魚忘筌。郢人逝矣。誰與盡言。一作情
閉夜蕭清。朗月照軒。微風動桂。組帳高褰。旨酒
盈樽。莫與交歡。鳴琴在御。誰與鼓彈。仰慕同趣。五臣作情
其馨若蘭。佳人不在。能不永歎。五臣作存

贈山濤

司馬紹統

茗茗倚桐樹。寄生于南岳。上凌青雲霓。下臨千
仞谷。處身孤且危。於何託余足。昔也植朝陽。傾
枝俟鸞鷲。今者絕世用。倏忽見迫束。班匠不我
顧。牙曠不我錄。焉得成琴瑟。何由揚妙曲。冉冉
三光馳。逝者一何速。中夜不能寐。撫劍起躑躅。五臣作遊
感彼孔聖歎。哀此年命促。卞和潛幽冥。誰能證
竒璞。冀願神龍來。揚光以見燭。

荅何劭二首

劉良曰何劭贈
華許以詩之下

選詩

卷三

二十五

是也。贈答之體，則贈詩當為先。今以答為先者，蓋依先賢所編，不復追改也。二語令人滌去塵想。

范晞文曰：以對言之，則當云清風。風派聽鳴，則對古對間當如此。亦楚詞：惠有蒼兮，蘭藉奠桂酒兮。椒漿。

張華

吏道何其迫，窘然坐自拘。纓綬為微繹，文憲焉可踰。恬曠苦不足，煩促每有餘。良朋貽新詩，示我以游娛。穆如灑清風，煥若春華敷。自昔同寮案，於今比園廬。衰疾近辱殆，庶幾並懸輿。散髮重陰下，抱杖臨清渠。屬耳聽鸞鳴，流目玩儵魚。從容養餘日，取樂于桑榆。

洪鈞陶萬類，大塊稟羣生。明闇信異姿，靜躁亦殊形。自予及有識，志不在功名。虛恬竊所好，文學少所經。忝荷既過任，白日已西傾。道長苦智短，責重困才輕。周任有遺規，其言明且清。負乘為我戒，夕惕坐自驚。是用感嘉貺，寫心出中誠。發篇雖溫麗，無乃違其情。

贈張華

何劭

四時更代謝，懸象迭卷舒。暮春忽復來，和風與

葛立方曰晉史
稱何劭驕奢簡
貴衣裘服玩新
故巨積食必盡
四方珍異一日
之供以錢二萬
為限而曾取食
不過萬錢是劭
之自奉過下父
也而劭贈張華
詩乃云周旋豕
醢圖云是以姬
孔為法管氏為
戒也審能如是
則史所書又何
如耶以史為正
則劭所言誣矣

節俱俯臨。清泉涌。仰觀嘉木敷。周旋我陋圃。西
瞻廣武廬。既貴不忘儉。處有能存無。鎮俗在簡
約。樹塞焉能摹。在昔同班司。今者並園墟。私願
偕黃髮。逍遙綜琴書。舉爵茂陰下。攜手共躊躇。
奚用遺形骸。忘筌在得魚。

贈馮文羆遷斥丘令

陸機

於皇聖世時五字代文惟晉。受命自天。奄有黎獻。闡闔

既闢承華再建。明明在上。有集惟彥。

奕奕馮生。哲問允迪。天保定子。靡德不鑠。邁心

玄曠。矯志崇邈。遵彼承華。其容灼灼。

嗟我人斯。戢翼江潭。有命集止。翻飛自南。出自

幽谷。及爾同林。雙情交映。遺物識心。

人亦有言。交道實難。有類者弁。千載一彈。今我

與子。曠世齊歡。利斷金石。氣惠秋蘭。

羣黎未綏。帝用勤止。我求明德。肆于百里。僉曰

爾諧。俾民是紀。乃眷北徂。對揚帝祉。
疇昔之游。好合纏綿。借日未洽。亦既三年。居陪
華幄。出從朱輪。方驥齊鑣。比迹同塵。
之子既命。四牡項領。遵塗遠蹈。騰軌高騁。慶雲
扶質。清風承景。嗟我懷人。其邁惟永。
否泰有殊。窮達有違。及子春華。後爾秋暉。逝將
去我。陟彼朔陲。非子之念。心孰爲悲。

答賈長淵 并序

陸機

余昔爲太子洗馬。魯公賈長淵以散騎常侍

侍東宮。積年。余出補吳王郎中令。元康六年

入爲尚書郎。魯公贈詩一篇。作此詩答之云

爾

伊昔有皇。肇濟黎蒸。先天創物。景命是膺。降及

羣后。迭毀迭興。邈矣終古。崇替有徵。

在漢之季。皇綱幅裂。火辰匿暉。金虎曜質。雄臣

無一佳語

葛立方曰此詩

幾三百言無非

極其褒讚方謚

用事生死榮辱

人如反覆手其

褒讚亦何足怪

然其間亦有寄
意識請人未能
推其意者按滅
蔡緒晉書謚父
韓壽母賈克少
女也克平生不
議立後之妻郭
槐輒以外孫韓
謚襲封帝許之
遂以謚為魯公
則是賈謚非克
子也故模詩云
誕育洪胄纂戎
子魯言誕育則
以謚非已生也
又曰惟漢有本
魯不踰境謂橘
喻淮則化為杞

言如頓於之化
慄森無異也夫
謚勢焯薰灼如
此而機敢為庚
詞以狎侮之真
文人之習氣哉

馳驚義夫赴節釋位揮戈言謀王室

王室之亂靡邦不泯如彼墜景曾不可振乃眷

三哲俾又斯民啟土綏難改物承天

爰茲有魏卽宮天邑吳實龍飛劉亦岳立干戈

載揚俎豆載戢民勞師興國玩凱入

天厭霸德黃祚告爨獄訟違魏謳歌適晉陳留

歸藩我皇登禪庸岷稽顙三江改獻

赫矣隆晉奄宅率土對揚天人有序斯祐惟公

太宰光翼二祖誕育洪胄纂戎于魯

束朝既建淑問峩峩我求明德濟同以和魯公

戾止袞服委蛇思媚皇儲高步承華

昔我逮茲時惟下僚及子棲遲同林異條年殊

志比服舛五臣作殊義稠游跨三春情固二秋

祇承皇命出納無違往踐藩朝來步紫微升降

秘閣我服載暉孰云匪懼仰肅明威

分索則易攜手實難念昔良游茲焉永歎公之

云感貽此音翰。蔚彼高藻如玉如蘭。

惟漢有木曾不踰境。惟南有金萬邦作詠。民之

胥好。狂狷厲聖儀刑在昔。予聞子命。

五臣作狷狂

於承明作與士龍

陸機

牽世嬰時網。駕言遠徂征。飲餞豈異族。親戚弟

與兄。婉孌居人思。紆鬱游子情。明發遺安寐。寤

言涕交纓。分塗長林側。揮袂萬始亭。佇眄要遐

身。傾耳玩餘聲。南歸憇永安。北邁頓承明。永安

善作外

有昨軌。承明子弃予。俯仰悲林薄。慷慨含辛楚。

懷往歡絕端。悼來憂成緒。感別慘舒翮。思歸樂

遵渚。

贈尚書郎顧彥先二首

陸機

大火貞朱光。積陽熙自南。望舒離金虎。屏翳吐

重陰。淒風迓時序。苦雨遂成霖。朝游忘輕羽。夕

息憶重衾。感物百憂生。纏綿自相尋。與子隔蕭

牆。蕭牆阻且深。形影曠不接。所託聲與音。音聲

日夜闕。何用慰吾心。

善作居

朝游游曾城。夕息旋直廬。迅雷中宵激。驚電光

夜舒。玄雲拖朱閣。振風薄綺疏。豐注溢修雷。潢

潦浸階除。停陰結不解。通衢化爲渠。沈稼湮梁

頽。流民沂荆徐。眷言懷桑梓。無乃將爲魚。

贈顧交趾公真

陸機

顧侯體明德。清風肅已邁。發迹翼藩后。改授撫

南裔。伐鼓五嶺表。揚旌萬里外。遠績不辭小。立

德不在大。高山安足凌。巨海猶縈帶。惆悵瞻飛

駕。引領望歸旆。

贈從兄車騎

陸機

孤獸思故藪。離鳥悲舊林。翩翩游宦子。辛苦誰

爲心髣髴谷水陽。婉孌崑山陰。營魄懷茲土。精爽若飛沈。寤寐靡安豫。願言思所欽。感彼歸塗艱。使我怨慕深。安得忘歸草。言樹背與襟。斯言豈虛作。思鳥有悲音。

荅張士然

陸機

絜身躋祕閣。祕閣峻且玄。終朝理文案。薄暮不遑眠。駕言巡明祀。致敬在祈年。逍遙春王囿。躑

善作暇古眠字

調度直致有古意

躅千畝田。迴渠繞曲陌。通波扶直阡。嘉穀垂重穎。芳樹發華顛。余固水鄉士。總轡臨清淵。戚戚多遠念。行行遂成篇。

爲顧彥先贈婦二首

陸機

辭家遠行游。悠悠三千里。京洛多風塵。素衣化爲緇。修身悼憂苦。感念同懷子。隆思亂心曲。沈歡滯不起。歡沈難剋興。心亂誰爲理。願假歸鴻

李善曰集云爲令彥先作今云顧彥先誤也且以上篇贈婦下篇答而俱云贈婦又誤也

翼翻飛游江汜

東南有思婦長嘆克幽闈借問嘆何為佳人聊

天末游宦久不歸山川修且闊形影參商乖音

息曠不達離合非有常譬彼弦與筈願保金石

軀慰妾長饑渴

贈馮文羆

陸機

昔與二三子游息承華南拊翼同枝條翻飛各

末語無兒少態
得性情之心

自是矯健絕不
傷肉

葛立方曰嵇康
贈弟秀才詩思
豕所欽則以所
欽為弟陸機贈
從兄車騎詩願
言思所欽則以
所欽為兄又贈
馮文羆詩願言
懷所欽則以所
欽為友

異尋苟無凌風翮徘徊守故林慷慨誰為感願

言懷所欽發軫清洛汭驅馬大河陰佇立望朔

冷悠悠迥且深分索古所悲志士多苦心悲情

臨川結苦言隨風吟愧無雜佩贈良訊代兼金

夫子茂遠猷款誠寄惠音

贈弟士龍

陸機

行矣怨路長怒焉傷別促指途悲有餘臨觴歡

不足我若西流水。子爲東峙岳。慷慨述言感。徘徊居情育。安得攜手俱。契闊成駢服。

爲賈謐作贈陸機

潘岳

肇自初創。二儀烟煜。粵有生民。伏羲始君。結繩
闡化。八象成文。芒芒九有。區域以分。
神農更王。軒轅承紀。畫野離疆。爰封衆子。夏殷
旣襲。宗周繼祀。綿綿瓜瓞。六國互峙。

設端無謂

太寬

疆秦兼併。吞滅四隅。子嬰面櫬。漢祖膺圖。靈獻

善作強

九已作應符

微弱。在涅則渝。三雄鼎足。孫啟南吳。

南吳伊何。僭號稱王。大晉統天。仁風遐揚。僞孫
銜壁。奉土歸疆。婉婉長離。凌江而翔。

長離云誰。咨爾陸生。鶴鳴九臯。猶載厥聲。况迺

海隅。播名上京。爰應旌招。撫翼宰庭。

儲皇之選。實簡惟良。英英朱鸞。來自南岡。曜藻
崇正。玄冕丹裳。如彼蘭蕙。載採其芳。

藩岳作鎮。輔我京室。旋反桑梓。帝弟作弼。或云

國宦清塗。攸失吾子。洗然恬淡。自逸。

廊廟惟清。俊又是延。擢應嘉舉。自國而遷。齊轡

羣龍。光讚納言。優游省闈。珥筆華軒。

昔余與子。縉綬東朝。雖禮以賓。情同友僚。嬉娛

絲竹。撫鞞舞韶。修日朗月。攜手逍遙。

自成離羣。二周于今。雖簡其面。分著情深。子其

超矣。實慰我心。發言為詩。俟望好音。

五臣作官

五臣作系

太

欲崇其高。必重其層。立德之柄。莫匪安恒。在南
稱甘。度北則橙。崇子鋒穎。不頽不崩。安善作宜

贈陸機出為吳王郎中令

潘尼

東南之美。曩惟延州。顯允陸生。於今豈儔。振鱗

南海。濯翼清流。婆娑翰林。容與墳丘。

玉以瑜潤。隋以光融。乃漸上京。羽儀儲宮。玩爾

清藻。味爾芳風。泳之彌廣。挹之彌冲。

選詩

卷三

三十九

崑山何有。有瑤有珉。及爾同僚。具惟近臣。予涉
素秋。子登青春。愧無老成。厠彼日新。
祁祁大邦。惟桑惟梓。穆穆伊人。南國之紀。帝曰
爾諧。惟王卿士。俯僂從命。奚恤奚喜。
我車旣巾。我馬旣秣。星陳夙駕。載脂載轄。婉孌
二宮。徘徊殿闈。醪澄莫饗。孰慰饑渴。
昔子忝私。貽我蕙蘭。今子徂東。何以贈旃。寸畧
惟寶。豈無璵璠。彼美陸生。可與晤言。

贈河陽

潘尼

殊草

善竹

處生化單父。子竒泣東阿。桐鄉建遺烈。武城播
絃歌。逸驥騰夷路。潛龍躍洪波。弱冠步鼎鉉。旣
立宰三河。流聲馥秋蘭。擷藻艷春華。徒美天姿
茂。豈謂人爵多。

贈侍御史王元貺

潘尼

崑山積瓊玉。廣厦構衆材。游鱗萃靈沼。撫翼希天階。膏蘭孰爲銷。濟治由賢能。王侯厭崇禮。迴迹清憲臺。蠖屈固小往。龍翔迺大來。協心毗聖世。畢力讚康哉。

選詩卷三終

選詩卷三訂註

阮籍詠懷詩

籍在晉文代常慮禍患故發此詠多刺時人無故舊之情逐勢

利而已

二妃

江婁二女游於江濱解珮以贈鄭交甫

迷下蔡

登徒子好色賦曰惑陽城

迷下

安陵與龍陽

安陵纏得寵于楚恭王龍陽君得幸于魏王

李公

李斯也臨刑謂其子曰吾欲與汝牽黃犬出上蔡東門逐狡兔之樂其可得乎

蘇子蘇秦

三河

洛陽三川蘇秦以其地狹小不足逞其志乃游說六國佩其相印

太行道

戰國策項梁謂魏王曰今者臣來見人於太行乃北面而持其駕告臣曰我欲之楚臣曰之楚

奚為北面曰吾馬良臣曰雖良此非楚之道曰
吾用多臣曰雖多此非楚之路曰吾善御此數
者逾善而離失路少年之日志好絃歌及乎歲
楚逾遠耳晚旋歸路失財盡同乎太行
之子當東陵瓜故秦時東陵侯邵平種子毋五
如之何瓜于青門外其瓜甚美
色俱謂被褐懷珠玉玉喻道德羨門古今自嗤
羨門輕舉而我負累所以自嗤鶉火夏之九月周周鳥名重頭屈
沒其頭乃為蛩蛩西方有比肩獸與邛邛距虛比
銜羽而飲為邛邛距虛齧甘草有難邛邛
距虛負而走北里濮上紂使師延作北里之舞
其名謂之歷靡靡之樂紂亡延投濮
水而死衛靈公宿青驪以喻疾三楚江陵為南
於濮水上聞其音去之疾

楚彭城秀士宋玉高蔡莊辛諫楚頃襄王曰黃
為西楚之流高蔡雀仰棲茂林鼓翅奮翼
自以為無慮不知王孫公子飛丸于高林卒為
庖鼎之實蔡聖侯與愛妻嬖妾馳騁于高蔡之
中不知子發受命于宣
王繫已以朱絲而見之

謝惠連秋懷詩

寒商秋風鄭生偃後漢鄭均為尚書後乞骸謝病

賜尚書祿以終其身時人號陵亂謂舟馳顏魄
為白衣尚書偃偃仰不仕也

不再圓傾羲無兩日魄月羲日也言月既缺一

一日之中無更朝也親串親狎之人

歐陽建臨終詩

建石崇甥為馮翊太守趙王倫之為征西撓亂關中建每

匡正不從有隙石崇勸淮南王允使誅倫未行事覺倫收崇建及母妻無少長皆斬

建臨而作

策馬游近關

衛大夫孫林父將作亂遽伯玉遂行從近關而出

紘繫網索

惟沈瀾

思涕流貌

稽康幽憤詩

叔夜為呂安事連罪收繫遂作此詩

肆姐

肆恣也姐嬌也

閻人

謂與呂安交不能擇人也

子玉之敗屢增

維塵

鍾會有憾于叔夜時呂安兄巽奸安妻巽為大將軍長史遂構誣將害安鍾傳為大

將軍所善因勸大將軍誅康與呂安同罪也子

玉楚于玉也令尹子文舉之以自代後子玉與

晉戰大敗康此憤呂巽有穢行大將軍用為長

史亦如子文之用子玉不當也惟塵詩人刺進

舉小人比會為小人也大人子福心自怛痛創

屢增言當朝此類多矣

傷瘡

慙柳惠

柳下惠三黜無怨色今幽憤故慙也

愧孫登

孫登當時

人也隱居不與人事康見之乃謂康曰了慙猶才高識寡難免今之代今果罹患故愧之慙

嚴鄭

嚴君平鄭子真皆樂道閑居修身自保

對荅鄙訊

荅對獄吏耻為其所

問儔自比也見此鳴鴈萬石

萬石

石奮父子五人各二千石天子呼為萬石

君一年三秀

靈芝草藥一年三開花秀服之長生

曹植七哀詩

謂痛而哀義而哀感而哀怨而哀耳目聞見而哀口歎而哀鼻酸而哀也子建為漢末征役別離婦人哀嘆故賦此詩

王粲七哀詩

哀漢亂也

張載七哀詩

北邙

山名壘壘塚相次之貌

恭文

安帝恭陵

原陵

光武陵

便房

冢中室

雍門言

雍門周謂孟嘗君曰若百歲之後高臺既傾曲地又平豈

不悲乎

陽鳥

春鳥

朱光

日也

北陸

日行北陸謂之冬

潘岳悼亡詩

痛妻

私懷誰克從

言此哀傷私情欲不就仕誰復克從此情

役

謂所任也

衰

少衰

莊缶

莊子妻死鼓盆而歌

李氏靈

漢武帝李夫人死令方士致神力遂得見

東門吳

子死不哭

蒙莊

莊子蒙人

曜靈

日也

紆軫

其思縈紆隱軫

塋墓

謝靈運廬陵墓下作

宋武帝子義真封廬陵王未之藩而高祖崩廬陵聰敏好文常與靈運周旋屬帝失德朝廷謀廢立之事次在廬陵言廬陵輕詆不任社稷與少帝不協徐羨之等奏廢為庶人徙新安郡羨之使使殺廬陵後有讒靈運欲立廬陵王遂遷出之後知其無罪追還至曲阿過丹陽文帝問曰自南行來何

所制作對曰過廬
陵王墓下作一篇

雲陽阿曲朱方徒冊道消少帝時結憤懣王見廢運開帝文

位申悲涼追崇工為侍中王如故也涼愁也延州延陵季子協心許

季子將過徐徐君欲季子所佩劍口不言而心欲之季子以有上國之事未獻心已許之季子

還而徐君死遂楚老惜蘭芳龔勝楚人王莽徵之不食而死有老

挂劍於墓樹父吊之曰嗟乎薰以香自燒龔生竟天天年非吾徒蘭芳即與薰同若人延州楚老通

蔽令德高遠是通解劍撫憤是蔽理感深情慟定非識所將已

往日疑彼二人迨乎今辰已亦復爾斯則理感既深情便悲慟定非心識之所能行也將行也

顏延之拜陵廟作從文帝拜高祖陵

光靈祖宗之靈光盛也樹立休命始高祖之初生戒輕晚達

故以養生之戒為輕否來泰往少帝失德之時昌運文清制清道之制

西寢廟在陵所東堦在陵所馮客物馮視陵廟之容見御之物未殊

帝世遠已同倫化萌先帝之德何殊古先帝道年代既遠而芬芳不息同

大化流行之萌始也發軌發跡入仕喪夷易遭少帝之難歸軫今老矣如

車之將歸

謝朓同謝諮議環銅雀臺詩魏武帝作銅雀臺遺令施總帳

朝脯設脯糝之屬向

總細布之井幹臺之嬋媛牽引也

任昉出郡義興傳舍哭范僕射雲

禮數絕交道相得雖品命國楨謂范待時謂不

齊興運謂梁衰孽齊東休明梁武衡言革曾子曰

道則衡言不革此言革言亂之甚也濟冲得茂彥王濟冲為吏部

為吏部郎夫子謂狂生自謂也范雲為吏部尚書昉為吏部郎伊人謂

雲部郎虛舟方舟濟河有虛舟來觸撤瑟君子有疾

輟春秦五穀大夫死秦國均詩秉國

王粲贈蔡子薦詩蔡子薦為尚書仲宣與之

會稽仲宣

濟岱子篤江行仲宣所居五臣作弗與不遂企

全跋軒飛

王粲贈士孫文始董卓作亂文始知京師不

封澹津亭侯與粲友善文

夷滅簏墳毛詩伯氏吹車輔左傳輔譽失巴成

離事也別南汜澹津在荆州南晨風鳥名其澹澧水名在

國唐林地名同域與荆州白駒詩篇名刺宣王不

去駒而

王粲贈文叔良叔良為劉表從事使聘益

洪渚大江梁岷蜀二錯說申輔措詞必申喬盼子

叔華貌也董褐晉大夫吳王夫差會晉定公吳帶

就幕而會董褐之力也無尚無高慢悟宮致

辨說苑楚使使者聘于齊齊王饗之于梧宮使

之樹必巨園使者何怪焉使者曰昔者燕攻齊

焚雍門王與太后奔莒此時梧之大小何如黎

勃曰昔楚無道殺子胥之父子胥奔吳吳以為相

後將兵伐楚楚王奔隨吳王入郢子胥親射宮

門鞭平王之墳當此之時梧始生多忌掩之實

之年也齊楚於是構怨舉兵相伐黑水梁州分益

難言人多忌諱其所短而掩蔽有卷席卷允來厥休信汝緬彼行人鮮克弗留

言遠彼行人使于蜀仇類在舟同舟渡海中流

者皆為劉璋所滯一劉楨贈五官中郎將文帝來視楨疾去後楨

位時也

元后曹至南鄉征劉豐漢高祖所居君謂五四

牡謂驪駒也漢書客歌彌遠曠曠岱宗太山也

之弘疾恐死故西鄰北是時漢帝尚在應

云恐游岱宗西鄰北是時漢帝尚在應

門正南壯士謂五緹丹

劉楨贈徐幹徐在西掖

寺司乖也離

劉楨贈從弟

懿此出深澤美此出

曹植贈徐幹子建與徐幹俱不

圓景月文昌殿迎風觀蓬室士謂和氏獻王

曹植贈丁儀集云與都亭丁

曹植贈王粲翼今云儀誤也

孤鴛鴦喻

曹植又贈丁儀王粲

貞闕闕承露盤以承槃平皇佐太怨在朝儀

選詩訂註 卷三 八

椽常怨
歡自營
在家
祭免官

曹植贈白馬王彪

楚王彪字朱虎武帝子初封白馬王後徙封楚集曰

黃初四年五月白馬王任城王與余俱朝京師會節氣到洛陽任城王薨至七月與白馬王還國後有司以二王歸蕃道路宜異宿止意毒恨之盖以大別在數日是用自剖與王辭焉憤而成篇

造雲日

言阪高也

玄黃

玄馬病則黃

同生

謂兄弟

一往形不

歸

謂任城王死也

咄咄

驚嘆聲

曹植贈丁翼

義休侍

有義而美則待用於時侍待也一曰具也

嵇康贈秀才入軍

善曰集云兄秀才公穆入軍詵曰康之從弟秀才入

軍贈以此詩不知其名

繁弱

弓名

忘歸

矢名

仇

匹也

厲

越也

盤

樂也

灑灑

游水聲

礮

箭礮

五絃

琴也

得魚忘筌

莊子筌者所以得魚也得魚而忘筌

郢人

莊子送葬

過惠子之墓顧謂從者曰郢人堊墁其鼻端若蠅翼使匠石斲之匠石運斤成風而斲之盡堊而鼻不傷郢人立不失容宋元君聞之召匠石曰嘗試為寡人為之匠石曰臣則嘗能斲之雖然臣質死久矣自夫子之死也吾無以為質矣吾無與言也

司馬彪贈山濤
山濤為吏部侍郎而紹統末

班匠公輸班牙曠伯牙神龍鍾山有燭龍能照萬物

張華答何邵

比園廬並宅也懸輿懸車致仕負乘出周易小人

何邵贈張華

廣武廬華封爵樹塞管氏

陸機贈馮文羆遷斥丘令
集云文羆為太子洗馬遷斥丘令贈

以此詩

閻闔天門承華太子門同林士衡亦頰弁弁冠也千載

一彈王陽在位我求謂帝求也百里謂縣令也華幄太子坐帳

朱輪太子出則乘朱輪車有違時陸免官春華秋暉今雖及爾

春華之美終當後爾秋暉之盛也春華喻少年秋暉喻老成也

陸機答賈長淵

火辰心星也闇則金虎昴西方白虎宿也太白

虎相薄則有三哲劉備孫國玩凱入但尚黃祚

魏士謂漢亂陳留晉封魏帝庸岷蜀三江吳太宰賈充

選詩訂註 卷三 十

祖太祖洪胄長子即纂戎繼大東朝愍懷我求

太子求往踐藩朝出為吳王來步紫微入為尚維

漢有木謂曾不踰境言度北則為惟南有金堅

剛不變賈謐贈詩在南則楫度北胥好相狂狷

厲聖狂狷之心厲以作聖

陸機于承明亭名作與士龍機從吳入洛與弟

作詩與士龍
述相思之意

長林萬始並亭名南歸謂弟永安亭名北邁謂慘舒翻

言感別之情慘于舒翻之飛鴻樂遵渚思歸之志樂於

陸機贈尚書郎顧彥先同為尚書郎遇雨

大火南方星也此望舒月御金虎畢星西方宿故

畢星好雨屏翳雨師輕羽毛扇直廬直宿豐注多雨修高

雷簷梁頰二地名泝向荆徐二州名

陸機贈顧交趾公真秘名

冀藩后公真初為吳

陸機贈從兄車騎集云陸

谷水崑山

並吳地昔陸遜陸凱居谷東二十里崑山父祖葬焉

陸機答張士然

張俊少以文章與士衡友善機從駕出游士然贈詩故有

此

祕閣

機出補著作游乎祕閣

春王園

晉有春王園天子游焉

千畝田

時天子

陌

東西陌為陌

阡

南北陌為阡

水鄉

謂吳也

陸機贈弟士龍

西流

言行不正

東峙

在家不游

逝言感

逝者之言多感

居情育

居者

之志

駢服

駢服之馬常相隨

潘岳為賈謐作贈陸機

大意述晉平吳得陸生與之同官兼言離

別勸戒之事

偽孫

孫皓

長離

鳳也

宰庭

太傅湯駿辟機為宰庭謂駿

崇正

數名太子講苑之所

玄冕丹裳

大夫儀服

帝弟作弼

謂為吳王

擢應嘉舉

從吳王郎中令徵入為尚書郎

羣龍

羣賢納

郎中令

珥

華軒

殿上曲欄

鞞

小安恒

安守

言謂尚書郎出納

其在南稱甘在北則橙

橙枳言甘以移植而易名恐人徙居而變節故引以誠之

選詩訂註

卷三

十三

潘尼贈陸機出為吳王郎中令

延州延陵季子南海謂吳清流謂晉翰筆林儒林墳丘三墳九丘

隋珠崑山崑崙省瑤玉美者珉石之美者同僚正叔嘗為

太子舍人與機同官素秋喻老青春喻少日新謂機大邦吳是機之業梓

巾車衣也二宮帝及太子宮也機任之故正叔眷慕經貽我蕙蘭陸集

有贈正叔詩

潘尼贈河陽潘岳為河陽今是尼從父故不言名

宓生宓子賤治亶父彈鳴琴身不下堂亶父治子奇子奇年十八齊君使治阿既行

齊君悔之使追之使者返曰子桐鄉漢朱邑少

奇必能矣共載者皆白首也岳二十為三河河東

鄉齊夫廉驥龍喻岳也弱冠岳二十為三河河內

潘尼贈侍御史王元貺

崑山廣廈喻國瓊玉衆材喻羣賢鱗翼謂龍鳳靈沼

天階喻左右膏蘭孰為銷膏蘭為物以明燭暗

不辭其勞賢能崇禮門名王前為尚書郎朝憲

臺即御夔易尺雙

選詩訂註 卷三 十三

選詩卷三訂註

此頁為書中正文，內容極其淡白，僅能辨識出一些極其模糊的字跡，如「王乘」、「王天」等，其餘文字均不可辨。此類現象在古籍中常見，多因紙質劣化或印刷不清所致。



